


道光續修寧羌州志

(清)張廷槐 纂修



本書四卷，據清道光十二年（一八三二）刻本影印。原書卷四第三十五至四十葉缺，據他館藏本補配。

續修寧羌州志序

自古方域有志所以備考覽資
政治而供史氏之采擇也武都
山谷阻絕漢江深險先年潢池
不靖明初建寧羌衛成化間改
州於衛治舊志續自明萬歷丁
酉刺史盧君大謨纂迄今二百
餘年矣欽惟我

續序

聖朝定鼎之初其時流寇餘逆蹂躪

寧氏尚屢被兵燹仰賴

天威赫濯掃蕩廓清土民久遠享太

平之福歷年來更綏靖邊防化

洽閭閻漸得荒蕪日闢生齒益

繁風土人情宜當紀盛道光庚

寅余委任斯牧檢視州乘王藏

吏僅以抄本數頁呈斷簡殘篇

載述缺畧夫修舉廢墜守土者

責即擬留心潤澤奈荒陋之腹

續序

二

未敢擅講著作况適值西口外

山狃跳梁兵差輻輳復不暇及

此辛卯冬

皇上命儒臣續輯一統志徵收天下

輿圖

大憲飛檄催賫亟於編次噫二

百年來文獻無徵典籍罕著將
何以備采擇歟緣檢漢南郡誌
乃廉訪嚴樂園先生守郡時重
輯採訪未久其間山川關隘風
俗學校以及建置田賦棧道水
利之屬拾遺補畧尚可採摘成

續序

三

帙於是廣延紳耆搜羅近日職
官人物尤于教匪滋擾時一切
殉難之忠臣義士節婦烈女諮
訪而揚勵之續鐫梨棗集腋成
裘勉輯四卷更招聚同官廣文
趙君敏鄉牛君保齋泰軍吳伯

潛考訂而校閱之雖未能義例
精詳治法美備庶可仰邀
上公之覽希附一統之篇以抒
芻蕘獻忠之誠云爾

峇

道光十二年歲次壬辰孟秋候

續序

四

補府同知知寧羌州事

雲安張廷槐撰

張廷槐

張廷槐

原序

寧羌屬漢中蓋葭萌舊壤疊嶂
迴巖襍隴帶蜀國初設衛守之
至 憲宗朝撫臣議建州治割
畧沔二縣三之一以屬之舊有
志前牧王齊東纂諸嘉靖間者

原序

五

掇拾雖工而體裁駁襍且時移
勢改諸多不備志不修固司土
之責也不佞曷敢讓焉於是聘
學正郭君同訓導謝君相與裁
故益新搜羅校對越三月創草
相授而不佞以管見所及更爲

刪潤之因手其帙進鄉大夫而
質之曰志之作助於外史其要
歸於爲民而已前志謂羌民醇
樸蓋庶幾江漢之遺焉今雖風
會日移迥非昔日之舊矣而瘠
土之民善心易生誠能孚以忠

原序

六

信示以規條僻陋之俗亦未始
不可潛移而黜革也不佞年來
雖毫無補益於茲土然於立教
維風之事竊有志焉不自揣而
以此貽之後人俾按迹而考其
端緒以見得失政令之所由出

則斯志之成未必非爲民之一
 助耳至於取類求其當核實務
 其嚴於昔人所謂寧謹毋濫寧
 質毋華之旨正未之敢悖也於
 是預纂修者則揚君堂范君啟
 東位編輯者蔡子思順沈子愉
 原序

原序



七

王子紹先湯子自在蔡子思齊
 也例得脩書

萬歷丁酉春奉直大夫知寧羌
 州事廣武盧大謨撰

漢中府草唐寺友義齋何賢芳刻

續修寧羌州志目錄

卷一

續序 原序 凡例 星野圖

輿圖 州治圖 建置 幅員道路

形勝 關隘 山川 古蹟

邱墓 坊表 里編戶口 鄉村

市集 津梁 驛傳舖舍 城池

公署 軍制 勳蹟 職官 武職

卷二

寧羌州志

卷一

目錄

八

食貨 地丁 俸工 驛遞 倉儲 稅課

學校 書院 義學 祀典 壇廟 寺觀

名宦 鄉賢附

卷三

選舉 進士 舉人 貢生 武科

人物 忠義孝弟 節烈

水利 風俗 祥異 拾遺附 物產

卷四

藝文 詩附

凡例

一作史之難不難於彙集而難於考據彙集不過採輯群書薈萃貫穿使之毋漏毋冗考據則必廣諮名卿逸叟稽求著述方策務絕將信將疑是以古人之成書也左擁圖籍右列縹緗而尤待旁搜遠討始可垂訓後世史書如此其難也是編本明牧盧大謨纂修已二百餘年歷任並無續紀而重輯者若再聽其散逸將湮沒於胡底耶且斯土屢被兵燹其間官民鄉勇淑婦烈女或爲國殤或因殉

寧羌州志

卷一

凡例

九

節皆天地之正氣大有關於吏治民生更不可不書以光志乘而助風化郡志已加詳矣尤復就近搜羅以脩一方之掌故焉

一舊志不惟殘缺散漏抑且纂輯簡畧並無門目部居嚴樂園續修府志有體有要一切條例次序皆可奉爲準則江文通言曰志者憲章所係其原起於爾雅非老於典故者不能茲則學識淺陋議論鮮當何敢另爲標榜祇恪遵府誌泰以舊志而舊志太率無可刪減惟有增添改併分門別類加

以圖說使閱者瞭如指掌而已

一明萬歷年間盧刺史守此土時尚領沔畧二縣至崇禎因縣去州遠不領縣以寧羌隸漢中其舊志內所載地輿民里食貨人物多於沔畧率涉應照府志

國朝兩次重輯考據甚確依類編列庶於前代不致混淆而近今得增補遺至山川風俗有附會訛傳者概從刪薙

一星野舊志全無但就府志所引史記天官書漢書

寧羌州志

卷一

凡例

十

地理志有足據者考訂而圖繪之無本之臆說不可從

一名宦鄉賢舊志未載僅鄉賢姓氏列選舉內府志載具祀典附文廟之後而另列祠名於祀廟之列但註現已入祀名氏此外並不另立名宦鄉賢專門所以重祀典而嚴體制也今續修志內倣照辦理名宦鄉賢兩門亦據已經入祠者載入其餘不敢濫列



一歷代綏定掃盪功臣及執戈以衛社稷因而被害



諸英烈舊志全無前重修西邑志時摭其留蹟昭
 然勲勞不沒者另立勲蹟一門所以表忠義而關
 幽光凡武職專防管轄拒賊陣亡或奉有帥命駐
 紮捍衛捐軀盡職皆得類附嗣奉
 大憲通飭各屬照辦在案今仍分門另列以昭敬
 謹而寓揚勵閱者其鑒諸

輿圖



步天歌曰井八
 星橫列河中靜
 一星名城井邊
 安兩河各二南
 北正天樽三星
 井上頭樽上橫
 列五諸侯侯上
 北河西積水欽
 否積薪東畔是
 鉞下四星名水
 府水位東畔四
 星序四道橫列
 南河裏南河下
 頭軍市軍市中
 團圓十三星中
 有一個野鶴精
 孫子丈人市下
 列各有兩星相
 拱立闕邱三個
 南河東邱下





幽溪流滿
夏秋驟雨
接連石即
穿激日時
標而下人

由金堆鋪至
接官亭交四
川廣元縣七
盤開界計一
百七十里寧
羌州所屬



寧羌州志

卷一

十九

星野圖說

周官保章氏掌天星以星土辨九州之域皆有分星以望氛祲察災祥寧羌舊為沔邑分域沔為禹貢梁雍二州之交春秋元命包曰東井鬼星散為雍州分爲秦國東距穀阪西有漢中寧羌近隸漢中之西南壤接西蜀星野分爲井鬼亦屬有據志與地者統曰井鬼軫翼分野夫軫翼屬荊州若州邑之近楚屬者有之未可概指漢中也天文志曰東井與鬼鶉首之次其辰屬未自井九度至柳三度屬秦分則是羌當鶉首之次楚當鶉尾之次疆域既分軫翼之說固非定判井鬼之分確乎無疑矣

寧羌州志

卷一

星野圖說

二十

建置

寧羌在府城西三百里古梁州境也又界梁雍之交戰國白馬氏之東境名羊鹿坪漢置南夷以廣漢西白馬為武都郡屬隴西之西邑更始時隗囂據焉後隴蜀平分屬漢中之沔陽魏武取漢中後隸武都而晉末為氐人楊茂搜所據南宋取之屬東益州即沔縣後魏置嶓冢縣西渠至東為西縣屬漢中郡後分屬利州唐初析綿谷置三泉縣宋平蜀先下三泉置大安軍屬大安高宗南渡為利州路所治之境開禧中

寧羌州志

卷一

建置

三十一

屬沔縣元廢三泉改大安軍為縣分西縣置鐸水縣而移沔州治之有明改州為縣地仍屬焉洪武二十九年羌民田九成據馬面山作亂明太祖命將平之明年遣指揮姜觀建寧羌衛于此成化時建州于衛治南編戶五里正德中盜賊藍鄂為患民多逃亡廢永安里止存永寧永清永福永康四里其初楊文德自漢中入統汧隴遂有武興之地文度及弟鼠皆自為武興王因以名國集始紹先皆即封焉郡名武安者以兵至寇平民安以教行民服名也在漢為沮縣

地後魏嶓冢隋西縣唐三泉宋大安州元置鐸水縣一統志降為大安縣屬沔州明寧羌州先領畧陽沔縣二縣崇禎時因縣去州遠不領縣以州隸漢中府其曰寧羌蓋亦輯寧氏羌之義欲羌之永寧耳

寧羌州志

卷一

建置

三十一

幅幘道路

廣三百三十里袤五百二十里東一百二十里至老龍池交沔縣界西三百五十里至青木川交四川平武界南一百五十里至流沙坡交四川廣元界北二百一十里至流溪溝交甘肅階州界
正東四十里至高廟子又二十里至鐵鎖關又三十里至三陽壩又三十里至老龍池交沔縣界山僻險路為赴郡城捷徑

寧羌州志

卷一

幅幘道路

東南十里風響溝又四十里至二郎壩又三十里至水田坪又四十里至卦子山又二十里至常家巖又七十里至茅壩子交廣元縣界山僻小路中有老林極為險峻川陝要隘

東北平原十五里至栢林驛又十五里至滴水舖山徑又十里至五丁關又十里至寬川舖又十五里至烈金壩又五里至大安驛又十五里至金堆舖交沔縣界五丁關極為險窄係川陝驛路五丁開山處
正南三十里至荒耳山又二十里至大竹壩又四十里至八廟河又十里至三道河又六十里至流沙坡

交廣元縣界老林山徑為川陝要隘

正西七十五里至烈金壩進山四十五里至老戴壩又四十里至陽平關渡嘉陵江又二十五里至青岡坪又四十里至安樂河又二十里至廣坪河又七十里至葉子壩又七十里至石甕子又八十里至青木川交川省平武縣界路極幽險川陝要隘

寧羌州志

卷一

幅幘道路

二

西南平原三十里至迴水河山路又十里牢固關又十里黃壩驛又十五里接官廳又五里至七盤關交廣元縣界川陝棧道驛路西北一百六十里至陽平關過嘉陵江又三十里至清河牌又六十里上清河又四十里至毛壩子交甘肅文縣界山僻小路只可人行正北七十五里至烈金壩進山又三十里至南沙河又十里至響水溝又七十里至徐家壩又二十里至流溪溝交文縣界山僻小路甚為險峻又離城北八十里至大安驛進山四十里至鐵佛殿交畧陽縣界為赴畧陽捷徑止可人行

形勝

劍閣朝天峙其西五丁嶠冢據其北南控蜀川之富

東連漢沔之雄

關隘

鐵鎖關 州東六十里後倚峻嶺前臨深澗路通沔

縣銅廠阜川當川邊要區設外委汛防守

張家山 州東一百九十里與川省廣元東北界毗

連崇山深谷中多未闢老林與周家營均為州東要

險關口壩州東南八十里由關口進文家坪漫山坪

與廣元東界毗連山徑一線四面老林最為幽峻

牢固關 州南四十里

寧羌州志

卷一 幅輿道路

三

黃壩驛 州南五十里再南二十里為七盤關後倚

峻嶺前臨深澗為川陝交界第一要隘川省設兵汛

於關頂防守陝省於黃壩驛設巡司外委分防

五丁關 州北四十五里金牛峽巖巒陡峻中關一

線由滴水舖上至寬川舖險路三十里其絕險處兩

面石山中寬不過二三丈澗水瀾漫行人不寸而登

關上數十丈僅容一人騎誠天險也

陽平關 州西一百六十里在嘉陵之南南倚鷄公

山北靠嘉陵江最為要險彈壓稽防不易舊設恭將

營州同駐防今改都司營由州至關路二一從烈金

壩進道稍夷而迂一由五丁關進口雖捷數十里僅

堪人行按古陽平關即白馬城在今沔縣西中間更

大安驛 州西北九十里古設大安軍於此北為通

沔驛路西往畧陽捷徑西南由烈金壩直達陽平關

倚山傍水為州北要隘設把總汛駐防

青木川 州西三百二十里稷山重嶺小溪灣環西

北與甘省階州西南與川省龍安均相毗連無業流

民多在其間開耳厥扒菌壘種老林地阻人雜最宜

寧羌州志

卷一

幅輿道路

四

防範

附州境 白水關在關城西南百八十里故關城在梁

州金牛縣西梁州白水阻險棧道敗絕後漢書白水

關在廣漢白水縣劉璋置守於此賢曰白水關在今

梁州金牛縣西東北至關城百八十里通鑑胡注關

關金牛縣南有故白水關通除口戌在州西北梁天

監十四年任大洪破魏東洛

在四川昭化縣

山川

烽燧山 州西南五里昔人置烽燧於此

玉贊山 州東北六十里一名鷄冠山上有要領亭為一郡登覽之要其後最高處曰鷄冠山

壺子臺山 州西南四十五里水出巖下成潭潭口

湍流成溪下流五里平地突出一峯如浮圖狀上千雲霄謂之壺子臺

龍泉山 州東北百里温水溪出此半山有泉水湧地中

寧羌州志

卷一 山川

五

嶓冢山 州北九十里在棧道烈金塲西十里山勢

尊嚴峰巒迴合望之蔚然深秀其相連者為漢王

山禹貢導嶓冢至於荆山孔傳嶓冢之山漢水出

焉東流至於沔山海經嶓冢今在武都氏道縣南

郭璞注嶓冢有二一在天水一在漢中寧羌嶓冢

以東水皆東流嶓冢以西水皆西流故俗以嶓冢

為分山嶺山內有洞寬數丈深里許為漢水發源

處水從下湧出有聲碎碎然天將降雨其聲愈大

如殷雷洞外有石砌臺數丈為往時祭漢源行禮

之所

五丁山 州東北四十里有峽曰金牛峽一名五丁

峽蜀王本紀秦獻美女於蜀王使五丁迎女見一大蛇

入山穴中五丁引蛇山崩五女化為石水經注秦

惠王欲伐蜀而不知道作五石牛以金置尾下言

能屎金蜀王負力而貪令五丁引之成道秦尋路

滅蜀因曰石牛道雍大記金牛峽在沔縣西南七

十里今峽在州北五十里連峰疊嶂兩岸峙立壁

立數百仞幽邃逼窄僅容一人一騎亂石嵯峨澗

寧羌州志

卷一 山川

六

水湍激為蜀道之最險旁懸兩大石東崖為石鼓

西崖為石鐘明宏治中知州張簡常修整之

禹貢錐指曰山海經云漢水出鮒魚山蓋嶓冢之

異名也本在漢中郡沔陽縣界後魏析沔縣置嶓

冢縣故地形志云其餘有嶓冢山隋改置西縣故

隋志云西縣有嶓冢山唐分置金牛縣而山入其

境故括地志云嶓冢在金牛縣東二十八里後又

分置三泉縣又云金牛入三泉故寰宇記云嶓冢

在三泉縣東宋升三泉縣為大安軍又改建軍於

西縣界復置三泉縣隸軍故輿地紀勝引宋朝郡縣志云今之言漢水以西縣之嶓冢爲源後又云三泉入大安軍故地理通釋云嶓冢在大安軍西元降軍爲縣故一統志云漢水源出大安縣嶓冢山明初以其地改置沔縣又於縣西南置寧羌衛又卽衛置州故舊志云嶓冢在寧羌州北九十里蓋此山本在漢沔陽界西南接葭萌自後魏以來言山之所在曰嶓冢曰西縣曰金牛曰三泉曰大安曰寧羌地名六變而出則一皆在古梁州之域

寧羌州志

卷一

山川

其爲禹貢之嶓冢無疑也按嶓冢背臨氏道前接葭萌東西兩漢界以分流梁益二州雄爲扼塞踞褒沔之上游當巴蜀之門戶故蘇氏有云大散以南劍門以北中間幾及千里山谷糾紛險阨相錯自古惟漢高出陳倉鄧艾走陰平深得用兵之意蓋謂石牛道爲秦蜀要害也言地利者其以究心於此哉

月山 州東一里衆山環拱一山如月

天臺山 州東四十里頂平如臺勢凌雲漢濛濛烟

霧夜雨朝晴

冠山 城南門外如紗帽然

龍洞山 州西南四十里寒泉冷氣襲人時有紅魚

出躍

相傳龍蟄於此

擊鼓山 與鷄鳴山接昔鷄鳴擊鼓進兵相傳漢高

屯兵於此

龍頭山 州東南二十五里舊名馬面山明宏治戊

午學使者王以山頭峯客有似龍首易以今名

天池山 州東北七十里重巒複嶂迴出羣山上有

寧羌州志

卷一

山川

八

池四時不涸寒氣襲人莫敢逼近近則雷雹立至焉

蓮屏山 州北十里群峰聳秀如蓮花其形環拱入

似屏幃也

龍門山 州西北百五里山下有洞深七十餘步廣

半之兩傍石壁嵌空若龍角目鼻口鱗甲皆具其

下皆平石水行其上

魚山 州西北百五十里龜山與魚山在江北又有

龍山在江南魚山在陽平關嘉陵江北巋然獨峙